



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-02-12-4-6/22-RI/AH
Tuzla, 16.03.2022. godine

16. 03. 2022
PRIKREMLJENO

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i preporuke Komisije, date u Zapisniku o provedenom postupku izbora banaka za investiranje raspoloživih novčanih sredstava broj: 01-02-12-4-5/22-RI/RI od 02.03.2022.godine, direktor Zavoda zdravstvenog osiguranja donosi

O D L U K U
o poništenju postupka za izbor banaka za investiranje raspoloživih novčanih sredstava

Član 1.

Poništava se postupak po Javnom pozivu za izbor banaka za investiranje raspoloživih novčanih sredstava broj: 01-02-12-4-2/22 od 17.02.2022.godine.

Član 2.

Ova odluka objavit će se na web stranici Zavoda zdravstvenog osiguranja Tuzlanskog kantona (www.zzotk.ba).

Član 3.

Odluka stupa na snagu danom donošenja.

OBRAZLOŽENJE

Na osnovu člana 3. Zakona o investiranju javnih sredstava ("Službene novine Federacije BiH" broj: 77/04 i 48/08), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16), člana 5. Pravilnika o investiranju javnih sredstava Zavoda zdravstvenog osiguranja Tuzlanskog kantona broj: 05-0511-11-6/16 od 15.06.2016. godine, člana 5. Politike investiranja raspoloživih novčanih sredstava Zavoda zdravstvenog osiguranja Tuzlanskog kantona za 2022. godinu broj: 05-04-3-1-22-13/21-ID/AH od 29.12.2021. godine, Odluke upravnog odbora broj: 01-04-3-5-7/22-AP/AH i Odluke o investiranju raspoloživih novčanih sredstava za 2022. godinu broj: 01-02-12-3-2/22-DK/DB od 15.02.2022. godine, Zavod je dana 17.02.2022. godine objavio Javni poziv za izbor banaka za investiranje raspoloživih novčanih sredstava broj: 01-02-12-4-2/22 od 17.02.2022.godine (u daljem tekstu: Javni poziv).

Javni poziv broj: 01-02-12-4-2/22-RI/AH objavljen je 17.02.2022. godine, a istim je utvrđen rok za dostavu ponuda do 28.02.2022. godine.

Javnim pozivom Zavod je namjeravao izvršiti odabir 4 (četiri) depozitne banke za usluge oročavanja raspoloživih sredstava Zavoda i to:

- 90% raspoloživih sredstava Zavoda oročit će se na period od 13 mjeseci;
- i 10% raspoloživih sredstava oročit će se na 7 dana, sa opcijom automatskog produženja, a najduže na 13 mjeseci od dana polaganja sredstava.

Usluge oročavanja sredstava po ovom Javnom pozivu podrazumijevale su:

- a) Usluge vođenja oročenog depozita bez naknade;
- b) Obračun godišnje kamate na oročene depozite;
- c) Uplatu mjesečne kamate na račun trezora Zavoda u skladu sa instrukcijama Zavoda;
- d) Mjesečno slanje kamatnog lista putem e-maila i poštom, u skladu sa instrukcijama Zavoda;
- e) Ostale poslove depozitara, uključujući i usluge otvaranja i zatvaranja računa za oročene depozite bez naknade.

Do utvrđenog roka Javnim pozivom svoju ponudu dostavila je samo jedna banka i to: Sberbank BH d.d. Sarajevo, dana 28.02.2022. godine u 8 sati.

Komisija za izbor banaka za investiranje raspoloživih novčanih sredstava za 2022. godinu ponudu SBERBANK d.d. ocijenila je kao blagovremenu i ispravnu, te sačinila Zapisnik o provedenom postupku izbora banaka za investiranje raspoloživih novčanih sredstava broj: 01-02-12-4-5/22-RI/RI od 02.03.2022.godine, koji je dostavila direktoru Zavoda.

U navedenom Zapisniku Komisija je dala preporuku direktoru da se postupak po navedenom Javnom pozivu poništi iz sljedećih razloga:


Prema informacijama iz sredstava javnog informisanja Evropa je zamrzнула glavne poslove Sberbank Rusija nakon što su regulatori utvrdili da će vjerovatno propasti nakon sankcija uvedenih kao odgovor na rusku invaziju na Ukrajinu.

Kao reakcija na nastale događaje nakon objave sankcija, koje se odnose na kapital i banke povezane sa Ruskom Federacijom, Agencija za bankarstvo Federacije Bosne i Hercegovine je dana 01.03.2022. godine donijela Rješenje broj: 04-2-2-653/22 o pokretanju postupka restrukturiranja nad Sberbank BH d.d. Sarajevo i Rješenje broj: 04-2-2-654/22 o privremenoj obustavi izvršenja obaveza plaćanja. Zaključno sa 01.03.2022. godine finaliziran je model za trajno rješavanje pitanja nastavka redovnog poslovanja Sberbank BH d.d. Sarajevo kroz prijenos vlasništva sa Sberbank Europe AG na domaće društvo ASA Finance d.d. Sarajevo. Banka će poslovati u okviru bankarske grupacije ASA, a većinski vlasnik Banke će biti domaće društvo ASA Finance d.d. Sarajevo.

Sagledavši na trenutne okolnosti, a koje su nastale nakon objavljivanja Javnog poziva, promjenu vlasničke strukture i restrukturiranje Sberbank BH d.d. Sarajevo, nepoznate razmjere efekata istih na finansijsko tržište i bankarski sektor, te uvažavajući evidentna inflatorna kretanja i rizike, direktor Zavoda je uvažio datu preporuku Komisije, te je shodno navedenom, donio odluku kao u dispozitivu.

Dostavljeno:

1. Ponuđačima (s povratnicom)
2. Sektoru za trezorsko poslovanje
3. a/a



DIREKTOR

[Signature]
mr. Denis Husić, dipl. pravnik